

集部

欽定四庫全書

集部 柏齊集卷二

詳校官中書臣孫 中書臣劉源海覆勘

溶

校對官學正臣陳 總校官中書臣朱 勝録舉人臣羅允文

木


鈴

欽定四庫全書 スこりはない 柘齋集 提要 夫號稻癬武陟人弘治壬戌進士官至南京 臣 為主予以格物致知為先非存心固無以為 格致為宗集中送湛若水序謂甘泉以存心 右都御史諡文定瑭篤行勵志其論學一 等謹案 栢齋集十 柘香集 集部六 別集類五明 一卷明何瑭撰瑭字粹

金万四月五章 前規範與戶言勤說者流相去遠矣集凡文 名狼留心世務如均徭均糧論兵諸篇皆能 良知之說而聽獨以躬行為主不以道學自 度之間而則切詳明不支不蔓猶存弘正以 深中時弊雖其文體朴質不斤斤於格律法 平得力在此故當時東南學者多宗王守仁 格致之本物格知至則心之體用益備其生 十卷詩一卷為嘉靖已酉鄭王所刻又有所 提会

為栢癬三書今别行於世云乾隆四十二年 著陰陽樂律儒學管見則趙王摹印以傳目 十月恭校上 有情 總校 總養官配的臣生動於臣孫士教 官臣陸 費

欠七四年十五二



欠戶可華在當 這是虞書益稷篇史臣記大禹告舜的言語都是數 柘磷集 前馬口安汝止惟幾惟康其 |帝天其申命用休 明 何瑭 撰

説爾的言語誠然有理我當從爾所言凡事謹慎禹 患便從此起所以須要謹慎不可放肆帝舜聽了逐 特稱帝以起其聽說道帝居天子之位若一念不謹 是待申是重休是美大禹将要告舜先歎美曰都又 事之發動處康是事之安穩處弼是指輔弼之臣徯 吾心各有至善所當依據而不可移易的意思幾是 美辟帝是指帝舜俞是然其言止是事物之理具於 慎則四海之內皆不得安一日不謹慎則千百年之

金ケビ人と

稳停當不可苟且施行這便是惟幾惟康倘所行 物物莫不有箇至公至正的道理只因私欲的念慮 要帝舜知道謹慎的勾當故又說道人心之靈事事 有差錯陷於私欲輔弼的大臣又肯直言勸諫不使 所止而不陷於人欲之危若是幾發動的去處須要 細計較不要差了念頭及事務成就的時節須安 搖其中所以此心常危殆不安為人君的几處 物必要心心念念專在道理上這便能安其

大三日日 Et Allo

相解集

豈不重重眷命加之以休美之福乎這便是謹慎的 傲畏謹慎之道不過如此天下的人心都有這箇道 效驗臣竊惟大禹之言切於治道帝舜一聞而即從 福善禍淫都看著人心向背以此昭受上帝之命天 無不響應固有在我發意之先預先等待的况上天 之見諸施行所以天下太平萬世稱為聖明之主仰 理人君所行的既合道理了但几有所動作則人心 人君陷於有過之地這便是其獨直君臣上下交相

金分口月台雪

الما الله الله الله الله الله الله 責者則思盡其忠此人臣之大防而古今之通誼也臣 修史職以備國典事伏以有官守者則思修其職有言 惓伏惟聖明留意 惟皇上所居之位即帝舜之位伏願端存心出治之 本聽輔弼忠直之言上下交通天人恊應太平之治 可齊於二帝宗社之休必保於萬年矣臣愚不勝惓 奏議 史職議

素之幾每念及兹不勝惶愧臣謹考古者王朝列國皆 補益猶且月受俸錢日支廪給既失官守之職難逃尸 坊右庶子無記註凡聖政聖訓之當書者皆錄之以 條答天象之問上悉以付史館在太宗時王直以右春 若無所事者朝祭之餘退安私室於國家政務無分毫 **俚司紀錄法古意也謹按國朝名臣錄在太祖時劉基** 有史官掌記時事我祖宗設修撰編修檢討謂之史官 以菲薄待罪史官伏覩内外百司各有職守而史官獨

毎 プロア A Three

次定四車全書 奄棄萬國哀慕方切豈暇圖此方今山陵既畢政治維 不言是終無可言之日矣方擬陳奏不幸孝宗皇帝 聖賢相逢百廢皆舉擇言而從不以人廢於此時而 用徒為曉曉實亦何補含愧的禄奄過歲時既又念 備纂述由此推之史官之職在國初猶未失也不知因 新伏望遵祖宗所已行修史職於久廢物令修撰編 初即欲陳奏自以無所考據又慮人微言輕未必聽 循廢墜始於何時沿襲至今未克修舉臣於受職之 _ 柏 縣

謨嘉猷不至有所遗落下則檢夫小人懼遺萬世之識 亦有所懲戒不敢縱恣為惡公則明朝廷無虚設之官 **匵櫃以待纂述史職既修國典斯備上則聖君賢臣嘉** 以儲養異才不必擇以職守臣竊謂養才之道當使之 私則使人臣免素餐之愧事體甚便或謂館閣之地所 事直書不須立論褒貶仍於紙尾書某官某人記藏之 因革弛張大臣僚之陞降拜罷皆令即時紀録止用據 修檢討直史館凡陛下之起居臣工之論列大政事

事初不聞知雖欲練習其道無由若令史館供職底因 周知天下之務方可以備他日之用今諸人於國家政 紀録之間得練習政事之體他日任用不至疎脱是於 修職之中實寓養才之意臣愚不勝惓惓 議處戰巡船隻事該都水司呈奉本部送准操江衙 隻今年見造又一百四隻其工食例該本部措給其物 欠らとりは一年を見る 云到司查得本部嘉靖六年造完戰巡船八十四 戰船議 柘鄉樣

隻物料先已招商應用今尚有四府未完今年物料各 料會無者例皆坐派蘇松等府徵解查得六年修完船 料本部供應器皿及修船物料例俱坐派蘇松等府約 裝盛物料神宫監司苑局等衙門蓋棚及薑芽竹窶等 捱及年分又該修造其物料俱該坐派蘇松等府恐民 府通無解到照得咨內開稱已及年分損壞船又一百 二十八隻例該修造未及年分損壞船六十三隻不久 力不堪呈乞議處到部照得南京內官監供應器皿及

金以口及人門門

查得永樂年間額設戰船止一百三十一隻宣德以後 隻若再坐派深思民力不堪有如該司所慮擬合議處 くろりるとう 亦由民貧辨納不前其操江損壞戰巡船一百八十 計銀十萬两以上見今累催俱未完解固由官吏違慢 具載會典當時不聞候事今乃增至四百隻比永樂年 漸増至三百一十九隻至成化年間止存一百四十隻 派以重困疲民或謂其有備無患操江船隻不可輕 減 間三倍有餘宜量减其半庶得少寬修造不至連年坐 柘麻集

郵分 强敢大盗出沒於江湖之間必用水戰决勝則戰船不 臣等議得兵家之法雖稱有備無患尤當料敵度時若 江西北則戰船止於巡邏把截自不須多盖敵一登岸 得 用縱有大盗卒起兵部馬快等船不下四五百隻亦可 以府縣巡司等船固已足用其多餘戰巡等船實係無 其出沒江上者不過鹽徒小盗若設戰巡船二百隻加 不多若强敵大盜或在北欲渡江而南或在南欲 船即皆無用故也况今四方寧靜無强敵大盗之警 四月月月

哨等船舊例五年一修十年一造先年損壞俱係操江 派以重困疲弊之民似為非計又查得新江口戰座巡 官軍自備物料修理天順三年該南京內守備題會同 有關支會無買辦動支官錢給還戰船該用物料以五 外守備并本部議將座船二隻先儘舊料不敷之數會 改 定四車全書 D 分為率二分官為出備三分原船官軍出備會議題准 時借用不為無備今乃以多餘無用之船而連年坐 向遵行至成化二十年該外守備奏要將損壞船隻 · 桶

舊官二軍三至成化二十三年又該內外守備題巡軍 比操軍辛苦巡船損壞要行南京工部修造工部覆題 止行南京工部修造本部備查題准事例具奏仍准照 節乃將巡船並戰船通與修造從此遂成故事弘治十 備行本部查照果無別議將該用物料查會關支買辦 既失於查照題准見行事例執奏又失於查照原奏情 都督府差撥官軍與同原船旗軍相無用工修造本部 仍委官一員嚴督龍江提舉司官吏匠作及南京中軍

軍因戰船損壞俱本部修造利害不切於彼遂將戰船 視為官物非止不加爱惜甚或暗行作践往往不及年 直隷蘇松等府州縣辨解沿襲至今遂為定例各船旗 止行本部修造已為不平又致生戰船速壞之弊深為 分先已損壞捱及年分則又移文本部修造其弊已久 欠三日后日 出銀修造操江官軍安逸已甚戰船損壞及不出分文 臣等議得運糧官軍勞苦萬狀運船損壞尚與官停半 柘瘠集

八年又該本部奏准將改造戰巡等船會無物料坐派

照題准舊例以五分為率官二軍三或比照運船事例 乞將戰巡船量留二百隻應用其餘俱送龍江提舉司 未便乞粉該部會同兵部計議如臣等所議萬一可采 金分四周白羽 損壞必遲修造益少修造益少則物料本部可辨不必 官軍停出戰船既減則修造自少操軍知愛惜其船則 坐派各府以重困疲民事體似甚便益 卸堆祭候留用船隻損壞即用修造不敷料銀或查 織造議

部送准守備揭帖云 議處織造絲料及然劾不職官員事該都水司呈奉本 處稅糧內折收按歲差人送庫支用是知織造制帛絲 得諸司職掌內開凡織造供用袍服段疋及祭祀制帛 據鋪户何輔等告云 と F 日 10年 在 10日 1 帛一萬五千段本部失於查照將該用絲料不作會有 須於內府置局織造其所用蠶絲紅花藍殿於所產去 料會有在丙字庫支用係祖宗正法嘉靖四年料造制 云案呈到部卷查嘉靖四年云 云又行據南京丙字庫中云 柘癖集

等職專收支乃將稅糧折收串五細絲濫收粗絲以致 監太監高某等揭帖內稱神帛堂堂長禀稱丙字庫絲 中有堪用細絲擬合將原擬行應天府鋪户買絲 法称照鋪户何輔所告情既可憫理亦甚直既丙字庫 改正會有行丙字庫支用已經行移神帛堂遵依選用 行丙字庫支用却作會無行應天府鋪戶買用實係違 不堪織造等因臣等忝看得丙字庫内外官員吏典人 及條送南京禮部擬行會題去後今准南京守備司禮 節

金与四月白雪~

とこうらいたう 官員人等比附前律提問惟復別有定奪通行奏請上 告詞中間恐有別情乞物該部計議合無將該庫內外 等相應比附前律查提究問但該庫申稱所收絲堪用 各笞四十著落均陪還官所據該庫內外官員更典人 起解金銀須要足色如成色不及分數提調官吏人匠 明律起解金銀足色條下凡收受諸色課程變賣物貨 又經守備官選中今神帛堂却稱其絲不堪然以鋪户 不堪織造支用若非受貼徇私亦係怠職惧事查得大 柘磷集

歸無用公私兩病深為未便本部既知其弊豈可復行 裁候有成命遵照施行再照揭帖又稱神帛堂急缺織 本堂牧用仍行移丙字庫知數公私兩便庶經久可行 處往來駁難不免誤事乞勑該部移文户部轉行南京 府鋪户買用臣等議得買絲違法損民且使折收絲終 但本堂執稱該庫所收串五絲俱不堪用若不急為議 \絲料要行從長議處祭詳主意不過要照舊行應天 ,部計議合無將明年以後湖州府解到串五絲徑送

金与四月百量

とこうるという 織染局所織語物絲料亦該在丙字庫支用每年織 年織三千段該用絲二千八百十二觔八兩又查得內 次行查堅不准行以此不知的數據守備平日口稱每 該折收六萬觔見今每年折收串絲荒絲各止二萬两 用不敷不免又費議處亦乞轉行南京户部計議再查 干道計該用絲岩干觔照得見今折收串五絲數少支 計各止一千二百五十觔其神帛堂每年該用絲數累 又查得諸司職掌內開蠶絲出産在浙江湖州府毎年 柘城集

制帛 年者不知其數既各衙門俱不支用俱將化為灰爐似 銀戶四月百十日 神帛堂如果每年織制帛三千段則串五細絲再加派 絲料及然刻不職官員事理云 亦可惜亦乞轉行南京户部議處為便緣係議處織造 事再照丙字庫見有絲近年者已該三萬五千餘舶速 二千七百五十觔務勾兩衙門支用此係舊制不為多 錢三分三糧强 段長十八尺 料串五絲十五兩每尺該絲 云

絲 料數係織造原數今以制帛分兩支尺計之似乎 六錢一分二釐五毫 两八錢六分二釐五毫 三品長八尺五寸 **肋四两一錢八分七釐五毫** 品文職長一丈二尺 **制五錢一分二釐** 料絲十三兩六錢九分二釐五毫 料絲十三兩一錢三分八毫 二品長一丈 料串五絲 五品長六尺 料絲 觔十二两 觔六 料

to red some furting

柘鄉集

危治亂從之是固不可忽也古人有言天下之財不在 重在理財盖財用之盈虚係民生之休成而國家之安 多當時亦欲題准減省後以遷官未奏云 金月四层台灣 古荒各該撫按官員累奏王府禄米軍士月糧多有欠 官則在民去年因陕西四川河南湖廣山東山西等處 理財足民以安天下以保聖治事臣竊聞平天下之道 缺無從處補軍民人等餓死數多無從脈濟則是在官 民財空虚之弊議

事勢窮極盜賊必起此盖宗社之憂非小小利害也是 たいとりに対しないはつ **販濟民心少安然而死者已衆萬一不幸頻歲凶荒不** 豈不甚可慮哉去歲凶荒賴皇上聖明亟行蠲免大為 餒死亡之憂迫之於中而剥削差科之患又迫之於外 不足固為可慮然不若在民之財不足可慮之甚也蓋 民財不足則樂歲不免於凍餒而玄年必至於死亡凍 在民之財皆空虚不足可想見矣臣竊以為在官之財 知民何以堪命是盖不可不預為之所也臣猥以迂疎 松斯科

足者其弊有四在民之財所以空虚不足者其弊亦有 備員户部の有理財之責竊計在官之財所以空虚不 坐具奏伏望皇上憫百姓之困窮念宗社之大計物令 在其外馬官吏剥削差科繁重風俗奢惜生齒番多此 在官之財所以空虚而不足也而徵納通欠之弊則又 四弊本部先已具題外其在民之財不足四弊臣謹 四弊者在民之財所以空虚而不足也在官之財不足 四宗室日蕃武職日濫冗食太多冗費太廣此四弊者 開

金らりでたといる

九三日事全聖日 傳稱國家之敗由官邪也官之失德寵賂彰也盖官吏 誅殺以快小民之心既製為大誥醒貪録諸書以戒 治之念亦可以少副矣臣愚不勝惓惓 該部議擬採行則民財可足天下可安而皇上孜孜求 民間深知其弊故立國之初痛懲貪賂官吏甚者即行 貪賂必剥削小民小民窮因不堪小則為盜大則作亂 而國家之治敗矣此必然之理也我太祖萬皇帝起自 官吏剥削 杨確集 - m

言百姓因窮盗賊蟲起國家之事幾至大敗臣不勝憂 **目積至正徳年間其弊極矣官以賂陞罪以賂免輦載** 罪准其收贖盖不忍以財物之故傷人性命此聖祖寬 恤之仁也奈何官吏不才不體聖祖之心漸故貪賂之 之下賄賂公行郡縣之間誅求無忌小民受害殆不恐 巴華乃於洪武三十年定官吏受贓滿貫者為雜犯死 以當時官吏畏法小民得安晚年因見法令已行貪風 之又定為官吏受枉法贓滿貫罪絞之律以恐懼之是

金少口たとい

かんとりもしたち · 前刻至於貪與不貪則在乎肯與不肯非有甚高難能 歸斷所冀法令嚴明則貪官知懼民困可蘇國家可保 難能之事則材知有限不可勉强若一點加罪則誠為 耳當時論者皆謂臣言苛刻難以施行臣竊謂責人以 之事况彼奪民財而法乃籍沒其財情法似乎相對 倡百官次欲將貪贓害民官員凡犯取受入已贓滿貫 忿於正徳六年奏言先欲物諭大臣令其守廉奉法以 以上俱籍沒貲産輕則為民重則充軍軍職犯贓 帕摩集

重此與其他不才恨事者不同是安可過為姑息而不 家哭何如一路哭耶當公亦當時賢者其言亦近於厚 辛苦仕途有所取受亦是常情罪以籍沒似可矜憫耳 則剥削小民小民困窮則遺禍國家情既可惡關係尤 臣竊聞有宋之時范文正公當道遇不才監司一筆勾 未曾傷其性命似未為許刻論者之意不過謂士君子 但其所見之公私大小則不逮范公遠矣况官吏貪賂 之富鄭公曰公但知一筆勾不知一家哭矣范公曰一

金分口屋人門

者凡犯枉法贓滿貫以上俱籍沒貲産照例充軍犯不 治久病者用毒藥革久弊者用重典宜先申明戒諭天 欲望小民之安國家之治蓋斷乎無是理也臣愚竊聞 **較之下號稱清明然府縣之間貪風猶在誅求剥削至** 欠らりを上手 下百官令其守廉爱民令下之後敢有仍前貧船害民 行私民財日空民生日因其弊大端在此此風不革而 **今未已上司多事姑息不行嚴治甚者交通賄賂縱容** 加重治哉伏自皇上即位以來選用忠賢禁止賄賂輦 楠蘇集

擬 終巡按御史及法司俱將問過贓官起數造冊具奏以 憑查考其好頑妄捏贓私排陷官吏者除問以誣告罪 以上者亦籍沒貲產照常為民軍職犯贓一 名仍還徙化外夫貪官之所爱者財耳若止去其官不 枉法及侵盜贓至銀一百两以上及他物值銀一百两 上司官承告官吏貪贓事情不與受理及雖與受理而 一断不如法者即以不才點退有贓者亦從重論每年 其財彼猶不失其富既不知耻豈肯改行若籍沒法 體歸斷若

另世人 といる

卷二

欠らりられたとう 之明 治不能不使民但使之以時而不竭其力斯可矣不能 傳稱時使 薄飲以勸百姓為天下國家經常之道盖為 不取民但飲之以海而不匱其財斯可矣此盖古聖賢 則貪風庶乎可革民財不耗民困可蘇而國家之治庶 可保之於無窮矣 差科繁重 則雖不問以死罪被慮并失其原有之財必知警懼 訓而萬世不可易也仰惟國朝使民之法除里甲 柘碱集 +

角翎毛油漆竹木之類無所不取固已重矣但國初於 **愈盖有不可勝數者矣國朝取民之法除田土稅** 倉夫運料夫接遞夫站夫鋪夫閘夫淺夫之類因事編 令嚴明編愈有數故民力未至甚勞近年以來則常 ĪĘ, 如鹽課茶課金銀課鐵課魚課稅商船卸戶口食鹽皮 兵皂隷門禁厨斗之類無所不役固已多矣但國初法 外雜派夫役紛紛而出如斫柴夫撞柴夫修河夫修 辨外如糧長解户馬頭船頭館夫水夫馬夫祗候 糧外

为口尼人

費近年以來則額徵之外雜派物料又紛紛而出如供 沙足四年全書 皆不暇計賢能守令縱有愛民之心迫於上令亦不能 則又有供用器皿物料戰巡船隻物料內府各衙門應 司惟務事行至於民力之堪與不堪民財之數與不敷 臣之所知者耳所不知者尚不止此例皆取辨於民上 用 用庫物料甲丁庫顔料光禄寺厨料太常寺牲口南京 物料隨時坐派盖有不可勝數者矣以上夫役物 柏斯集

公用物料猶令稅糧折納或官錢收買故民財未至甚

役不過一月每丁各該六日不行者貼工食銀一 賣放多科小民受害所不恐言民財之耗民生之因此 日之意其人丁除役占優免外每人五丁編夫一名歲 分南方以田起夫者則每田百畝作人一丁計數編夫 各州縣通將人丁查出畧做古昔用民之力歲不過三 有數用之有時点可少寬民力使受一分之賜宜行令 亦大端也臣竊以為前項雜派夫役既不可免惟編之 自行其志不才官員則又因以為利加以吏典與里胥 在一只也是人 錢

第舉行如緊急不可緩者令將鄰近州縣夫通融協 次足り事を皆る 係京師近地産有者則徑以各處解到稅課錢鈔次買 雜派物料則宜仍照國初舊例係遠方州縣產有者或 聽從其便如本處及鄰近通無工者則寬以與民至於 大率速者出銀近者出力或民自願赴工不願出銀者 俱准前例或本處工多夫少如其工可緩者会挨年次 不必坐派通不許令民出辦其各項物料內有不係緊 令稅糧折納或以該徵稅課錢鈔收買差人解送應用 柏齊集

盖必然之理而為治者所當念也仰惟我太祖高皇帝 易稱節以制度不傷財不害民又稱獲以辨上下定民 於開國之初凡官民房屋衣服器四之類即定有制度 志盖用度奢侈則民財必傷上下不辨則民志不定此 用者仍令各該衙門查出量為裁減如此則民財少省 まけてでた かか 民国可蘇而國家之治可保之於無窮矣 上得魚下下不得借上違者各治以罪其居處借上用 風俗奢惜

者至處死籍沒立法之意盖甚嚴矣彼時百姓初脱亂 欠日の日本は 數百兩一衣服熊享之費至用銀數十兩車馬器用務 豪之民一切皆以奢侈相尚一宫室臺榭之費至用銀 者不過二三豪家聖祖已嚴為禁約如此自國初至今 離之苦凡百用度取給而止奢惜甚少中間奢惜犯禮 極華靡財有餘者以此相誇財不足者亦相做效上下 百六十年承平既久風俗日侈起自貴近之臣延及富 之分荡然不知風俗既成民心迷惑至使問卷質民習 柘鄉集

見奢惜婚姻喪藝之儀熊會賻贈之禮畏懼親友譏笑 其財無害於治及議禁者不達人情一齊衆楚法豈能 亦竭力管辦甚稱質為之官府習於見聞通無禁約間 務為欺奪由是推之則奢惜一事實生聚弊盖耗民財 所獲各亦不多豈能足用故官吏則務為貪饕小民則 風俗既以奢惜相誇則官吏俸禄之所入小民農商之 有一二賢明之官欲行禁約議者多謂奢偕之人自費 行殊不知風俗奢僣不止耗民之財且可亂民之志盖

金岁口唇石里

賞七分備販及補助貧民糧差拖欠之用再犯倍罰言 華宜令禮部查照祖宗舊制再行申明如婚姻喪整禮 欠三日日白日 者則照依所費罰之以十分為率俱以三分給告人充 祭祀制度而行制度既定通行天下刻榜禁約犯者除 之根本也臣愚以為風俗既壞非嚴為禁治則弊不可 問罪外俱將其違法之物沒官如飲食諸物不可沒官 物粧奩祭祀熊飲之類舊制未備者亦各定為制度其 僧道死喪追薦災禍祈禳之類或通行禁止或令比照 柘群集

貴必止令之不行禁之不止雖堯舜不能為治緣官民 奢借該管官員必須見知方可罰治若告人無賞則人 貪官之地皆非治體難以施行臣竊以為令貴必行禁 事情不與受理及雖與受理不照例罰治者俱依制書 犯不分官民俱遷徙化外如該管官員承告官民奢僣 點何疑或謂告人給賞則起告許之風犯人罰沒或為 君之令而致之民在臣臣既不奉行君令不職甚矣罷 有違問罪通不管理者即以不職罷點盖出令在君承

銀月四月百重

或補貧民糧差拖欠則損有餘而補不足者無所不可 若官吏侵欺自有正法奈何預為計慮遂将禁治奢惜 R TE DIOT MESTED 違法之物沒官及物之不可沒官者照所費罰銀備賬 正難矣聖祖於除奸革弊皆賞告人盖為此也至於将 之源故化行自上法行自近伏望皇上敦行節儉為 之良法格而不行哉臣又聞京師四方之極君身萬化 稻頭係

皆謂奢借者自費其財於我無損出名告舉徒結讎怨

於我何益下人既不告舉上官何由見知欲令行而禁

所生之物供養自然有餘承平既久生齒番多而土 銀分四月月十二 俗違者聽科道糾舉一 孔子適衛當有民庶之嘆冉有問既庶矣又何加馬 不惑而國家以禮教民之治庶可成矣 下先嚴戒內外官員節用惜福不許過為奢惜以壞風 生齒番多 理也仰惟國朝開創之初亂離初定人民鮮少土 曰富之盖庶而不富則民生不遂治功不成此必 體罰治如此則民財不耗民志 地 孔

大大日日日上日日日 墾荒地其意亦皆在此但開墾荒地之法其事甚難盖 齒蕃多别無善策惟有盡辟地利以資生養一法尚可 差科繁重風俗奢侈則民財安得不耗民生安得不困 東登萊等處荒田彌望近日臣下建言欲命官勸農開 施行方今地窄之處貧民至無地可耕而鳳陽淮徐山 方今民因極矣向上三弊若蒙准行則可救其半至生 所生之物無所增益則供養自然不足加以官吏剥削 台集開地之人類多貧難不能自給久荒之處人稀地 柘森县

官勘農而未假以事權鳳陽等處則皆未命官宜物該 專管勸農或查撥本處丁多田少之人或招集外處流 部選擇通知農務之士授以按察之官賜以物書令其 無成效臣愚以為設官勘農非假以事權則無以使之 種子可用務農時月不暇他營朝暮飲食何所取給故 行其志非齊以賞罰則不能使之盡其心今山東雖命 僻新集之民既無室廬可居又無親戚可依又無農具 往不能安居樂業軌復轉徙雖沒有勘農之官亦終

金少四是白雪

RED MAL ALIMO 通欠糧額官量陞轉仍留勘農六年之後農功大成超 許從便賞勞仍刊給農桑撮要等書使各知種植之法 置仍令其無管詞訟凡所收紙價贖銀俱聽其便宜支 凡農民該用室廬農器種子脈給俱許其動支官錢處 徙失業之人或起取狹鄉無地之人俱聽從便宜施行 與性授或因循怠惰三年無成亦量行責降仍通行州 三年之後地已成熟每畝科米五升即以補該縣逃移 用至分行催督許令設立老人管理老人盡心勤謹者 柘脂集

患病不能供職乞思於歸田里事臣見年四十二歲係 肯盡心民肯盡力地利盡辟非惟生益之審得有所養 糧完者考以稱職地荒而糧欠者考以不職如此則官 縣官凡有荒地去處各令教民開辟三年之間地辟而 多分四月百十 河南懷慶衛軍籍直隸楊州府泰州如車縣人由進士 而公家之用亦有所資矣 奏疏 東昌同知乞致仕狀

當年五月初十日到任伏念臣才既迁疎身復多病本 病實未在可顧念昔叨侍從久被恩私無一言補報而 直隸大名府開州同知正徳十年閏四月內轉陞今職 二月內行取復職正徳八年四月內因不謹得罪改調 歷任翰林修撰正徳五年三月内奏准致仕正徳六年 去於人臣之義未安重以親老家貧公私交迫故不得 已扶病赴職一則欲竭大馬之忠少圖補報一則欲 不宜久在仕途先年已得放歸田里後來復蒙起用臣

大定の東全書

稻庸集

違績効未有分毫過惡不勝指目又不能見幾早退至 愚豈不知感獨念人臣之義陳力就列不能者止臣前 交劇疾病益增在任两年患病過半若治臣療曠之罪 バス 升斗之禄以給俯仰此臣之志也而才智短淺言行乖 揂 臣曾叨侍從於臣無所知識故優假之如此也臣雖至 自當從罷點之科很蒙超轉官階伴佐大郡盖朝廷念 不謹 グロガイニ 勉圖後功以贖前罪而政務多端才智難强憂勞 得罪猶蒙聖恩寬容不加重謹仍與善地初時

達政務實多妨廢若不預求退避誠恐療職益甚罪責 嘔熾不時舉發加以肢體疼痛神志昏迷舉措累有乖 路當南北要衝政務既多應接不暇以臣不才多病之 ていりかん かいの 釋去罪責苟延性命臣不勝感戴戰懼之至 難免伏望聖思矜憐乞物該部将臣放歸田里使臣得 人豈能勝此近來病勢增重怔忡眩暈無日暫寧咳嗽 東昌再乞致仕状 . 阿斯集

任開州事簡地僻尚多糜曠今任東昌統轄十八州

縣

棄捐此固大臣愛惜人材之意至於臣義之不可不去 患病不能供職怨乞天恩於歸田里事臣先因患病不 情之不能復留則該部盖有未及察者伏念臣固滞迁 能供職於正德十年九月內奏乞放歸田里奏下未蒙 司委曲包容未即糾舉然包容者私情也糾舉者公法 侵亂神志旨迷舉措累有乖違職務實多妨廢特以上 球褊狹狂躁既無臨政之才又無保身之術加以疾病 覆奏臣竊料該部之意必謂臣病未至沈痼不 恐即便

銀六四月月十十

嘗謂士生世間有才者則當進用而憂民之憂無才者 罪在不才之人固不足惜公家之事不免有候然則孰 欲委曲包容臣雖欲微俸尚免皆不可得夫以痰曠受 若未敗而去之為善乎此臣之義所以不可不去也臣 也臣若不亟求退避至於康曠益甚罪狀益明上司雖 留仕途展轉沈痼必至傷生進既無益於公退又不遂 報臣之不才已可知矣况疾病已深神志已沮若復久 則當退處而樂已之樂臣竊禄十有五年初無分毫補

て こううって ないかいう

阿腳樣

望聖思矜憐少寬斧鉞物令檢臣先奏放歸知里使臣 愛惜人材也哉臣誠情迫於中言語干冒罪當萬死伏 **散慕夫使不才多病者退休田里而英明精健者馳驅** 對戶四庫在書**□** 臣竊聞聖人為治貴順人情故不責人以所不能强 其私俯仰身世抱恨何極此臣之情所以不能復留 表正風俗之道一舉两得何必留一不才之人然後為 以所不欲方今英俊如林不乏任用府貳之官亦人所 仕途則上既不悮公事下亦順其私情大臣駕馭人材

とうり与と自己 官無不勞之理若疾病暑發則職業必曠職業既職 能供職具奏乞恩放歸田里欽蒙准給假調理除欽遵 自陳衰病曠職懸乞天恩放歸田里事臣先因患病不 久則腰脊酸疼勞苦暑過則噦嗽並作頭目眩暈心志 得釋去罪責苟全性命臣不勝感戴戰懼之至 怔忡每感輒發每發增重臣獨計既衰無復壮之期 外伏念臣禀受淺溝血氣早衰自新年以來每站立稍 禮部再乞致仕狀 柘礦集

若復貪戀恩私不早引退則憂勞相尋病必沈痼非 調 **味具奏乞恩放歸田里荷蒙聖恩不即罷熟仍准給** 無以盡補報之忠且將不免胎性命之慮此臣所以 罪責不免與其得罪而後歸不若見幾而早退是以冒 里俾得釋去憂勞少延殘喘以仰觀治化之成臣不 夜憂懼不知所處也伏望聖恩憐臣衰病將臣放歸 理臣不勝感激初亦欲勉强調理以圖補報奈病根 調 理難効經今半月不得痊可臣竊計病勢如 惟 此 Ð 田

方口屋と

蒙准臣給假調理續為自陳衰病曠職懇乞天恩於歸 感戴天恩之至 欠足日后在10人 兹以衰病乞歸復蒙准令養病臣不勝感激擬欲扶 田里事奉欽依何瑭屢稱有疾准回籍養病欽此除欽 謝恩事臣先因患病不能供職具奏乞思於歸田里欽 入朝謝恩面辭重念病體尚虚眩暈時作誠恐傾仆 外伏念臣猥以疎庸誤膺任使恩逾海嶽報乏涓埃 禮部致仕謝思疏 栢癖 病

懇乞天思憐憫衰病容令照舊回籍養病事臣先於本 徳益崇皇猷允塞臣幸未僵仆尚當與農夫無叟歌咏 儀深為未便為此除望闕叩頭外謹具本謝辭伏望聖 謝辭於初六日出京回籍初七日行至張家灣地方准 年四月二十五日因衰病曠職具奏懇乞天恩放歸田 金与四月百十二 里荷蒙聖恩准放回原籍養病臣於五月初一日具奏 太平傳示無極臣不勝感戴戀慕之至 禮部三乞致仕狀

愛惜是才改命在京調理病產即出供職等因節奉欽 毛鳳名奏陛下近准禮部右侍郎何瑭回籍養病如蒙 吏部差人送到咨文內開節該欽差四川道監察御史 とこりるとはいり 幹備咨到臣臣不勝感激伏念中外羣臣才德學術過 依何瑭著在京調理病產仍出辦事不許回籍亦不必 於臣者不可勝數選擇任用綽綽有餘陛下一聞御史 之言即改命臣在京調理病痊仍出辨事患者之厚臣 粉骨碎身亦不能報但念病勢有淺深則調理有難 柘亦东

易臣之病因血氣早衰每遇憂勞則發緣血氣之衰非 金分四四百言 禄以為光禁哉臣少年讀書亦順辛苦今幸得遇聖明 遵奉先次恩命回籍在途若遵依今次恩命仍復還京 調理誠恐病痊無期既無以仰報聖恩而久病廢職且 有罪臣所以懇乞放回者盖勢有所不得已也臣今已 旬月可補而職業之重不免憂勞若久病不痊則曠職 士君子進德修業孰不欲遭際明時少行所志享有爵 不免終雅刑憲此臣所以憂懼悲傷而不知所處也夫

一無故求退以自處於貧賤之地哉然則臣之情可推而 2 2. 1 3 mg 2 2 1 1 1 1 勝感戴之至今臣欲還京則患病不能欲回籍則懼 迫之情仍容臣照依先奉恩命放回原籍養病使得釋 去憂勞少延殘喘則未盡之年皆陛下之所賜也臣不 臣之游命真可憐矣伏望聖恩憫臣衰病之苦察臣懇 不敢進退維谷朝夕榜徨 之君見有富貴之樂使臣病堪支持心無憂懼亦安肯 辭免掌都察院狀 柏解集

瑪兵部右侍郎黃東俱堪委任伏乞聖明於內簡用一員 得南京都察院右都御史員缺令推得禮部右侍郎何 瑭 既屢稱有疾准故回原籍養病臣于五月初六日起 辭免新命乞恩容令照舊養病事臣於嘉靖八年四 内因衰病曠職具奏懇乞天恩放歸田里節奉欽依何 御史掌管院事欽此欽遵備咨前來臣不勝感激恐懼 今其到任管事等因奉聖古何瑪陞南京都察院石都 回籍本月二十三日准吏部咨該吏部等衙門題照 月

對定四庫多書

員缺在位諸臣自足推用不意該部推臣備薦又誤蒙 聖明簡用恩出望外事異常經臣誠不勝感激但念臣 幸的延殘喘豈敢復望陛握其南京都察院右都御史 Series Francis 方以衰病求退軸蒙非常恩命心實不安况都察院係 同而百辟之具瞻彼此無異任是職者必其事無不 紀綱之司都御史為風憲之長雖两京之政務繁簡不 柘癖集 1

原籍伏念臣因衰病乞歸荷蒙聖恩准令回籍養病方

即欲具奏辭免因在途次未便六月十六日臣始回至

家之政務既未通知於臣下之賢否尤寡聞見加以見 用之恩下失大臣薦楊之望得罪邦憲貽前士林臣誠 有感則發豈能振舉紀綱仰賛廟謨不免上孤聖明簡 銀片四屋子丁丁 得便安臣不勝感激恐懼之至 知無不言庶幾少稱伏念臣才識迂疎學問粗淺於 不勝恐懼伏望聖恩憐臣衰病容令照舊原籍調理收 今疾病侵尋神志推沮怔忡眩暈無時暫寧嘔歲疼痛 回新命改授賢能則國之紀綱可以振舉臣之私情亦 國

人子司 阿 在面司 心義雖重於所承恩豈忘乎自出肆隆名徽號既盡禮 心凡在臣民悉皆忻忭恭惟皇帝陛下聰明天賦英倉 於有常而備物殊稱無伸情於問極事緣義起含生仰 凤成上帝篤生默定神人之主大宗入繼允符中外之 伏以化始家那昭一人之有道禮先孝敬合萬國之歡 仁孝之風思自上流率土受汪洋之澤臣等躬逢曠典 表 恭上皇考獻皇帝微號賀表 柘磷集

敬為孝養於兩官多壽多男隆本宗於萬世臣等無任 喜倍恒情限守職於南藩允傾心於北闕伏願致愛致 備坤元聖同天俔賛襄孝廟敷陰教於四方改佑武皇 伏以英皇配舜垂千古之鴻名任奴母周故 金 另 巴 居 台 清 傳聞自古喜見當今恭惟昭懿慈壽皇太后陛下德 天仰聖激切屏營之至 母儀於九有賛楊遺豁迎立聖明實位欲危而安 恭上的懿慈毒皇太后微號賀表 巷 一朝之威

遗風永壽永康鄙漢帝之恆冒慈聞有慶享孝養於九重 次七四事全書 伏以命與德新聖主際龍飛之運母由子貴慈聞隆鴻 惟臣等職守外藩心馳遙賀伏願思蘇思娟追周世之 心圖報之無方致微號屢加而不已臣民均慶夷夏同 心翕然以定此固天心之有在亦由聖德之難名肆皇 號之稱數聲雷動於臣工喜氣春生於官闕一朝威事 聖壽無疆永瞻依於萬國臣無任瞻仰激切屏營之至 恭上章懿皇太后微號賀表 柘辉集 1 + E

孝昭彰治化弘敷於四海臣無任瞻仰激切屏營之 傾心望楓宸而致祝伏顧慈顏悦懌家邦永固於萬年聖 奉養備萬方之品臣等幸逢盛事喜溢中心思桂般以 禮宜隆於長樂金書玉冊微稱極九有之尊海錯山珍 載是致皇天之眷篤生聖哲之君宸居既正於離明大 徽柔素著懿範迥出於羣倫真順風成盛德同符於厚 金ラロレノニ 千載竒逢恭惟章懿皇太后陛下毓秀坤元鍾靈月魄 柏癬集卷一

たこりらいと言う 曾子曰生事之以禮死葬之以禮祭之以禮可謂孝矣 欽定四庫全書 禮至於葬祭尤為滅裂其可嘆者多矣宗室鄭王殿 三代以還教化廢缺人子當親之存也事之尚不能 柏癬集卷二 序 宗潘孝行序 柏掛集 明 何瑭 撰 如

哭視禮有加馬瑩在太行山麓去府城餘三十里王徒 復蘇凡飲而附於身殯而附於棺者必敗必戒朝暮奠 孝爱之性得之天授先王早逝每以不及躬事為恨事 步送葬左右請乗與則泣曰吾自此不復見吾親矣徒 飲膳湯樂必嘗之而後進母既不起則呼號辟踴頓絕 母太妃曲盡愛敬乙亥正月母感疾王不脱冠带而養 步何足勞也既葬左右請遵以日易月之制易吉服則 又泣曰短喪非古也自漢文帝始也父母之思問極聖

金分四人名

というられるの 乎永言孝思孝思維則下武之詩所以頌周王也靡有 ·目於禮者相與議曰生事葬祭以禮在士夫猶以為難 亂制乎左右乃不敢言既而請御酒內實筵請用樂皆 不孝自求伊祜思樂之詩所以頌魯侯也盖上有善而 况王生長富貴之中乃能舉久廢之禮是可不謂之孝 薦以以禮而悲感視初喪無異馬由是國中士大夫之 不許曰非惟禮不可心亦不恐也大小祥祭及四時之 人定為三年之制示有終耳吾奈何捨之而遵漢文之 柘磷集

彰德儒士蔡生繡介吾友瞿賢儒及門生張繼光來謁 員國史也通屬叙其梗縣如右云 所以褒既往勸將來也王之孝如古人矣可無述乎愈 下不知則為不明知而不以頌則為不仁是非貢諛盖 姻親閻廷壁東次之得詩歌樂府凡若干首以鸦當備 曰善於是憲副吳道寧首賦詩以頌士夫咸繼作馬王 編書以示則宗務趙王殿下孝行録也予讀之 宗藩趙王殿下孝行序

到片四月有量

CO TEL DIBLANT 馬顧無以報念惟國主孝行之懿古今鮮比擬撰述稱 成紫國主殿下招致書堂待以士夫之禮繡盖深感徳 既察生乃作而請曰繡無似不能繼先人之志業儒 頌傳之無極顧力不能擬借重執事一言幸甚賢儒繼 才士之歌咏序論凡所以焯德傳遠者備矣至矣予復 光復助為之請予不得已乃告之曰錄中所載賢王殿 何言無已則申明聖人立教之意以破世俗因循之説 下之孝有郡王之奏有該部之議有聖天子之勃有名公 柯鄉集

時而發見不如安行者耳非為惡也世之怠於自修而 章有好名之論不過謂好名而不出於自然者真情有 廣譽施於身所以不願人之文繡也意盖如此孟子他 賞罰不及者亦有所勘懲自力於善而不流於惡其立 教之意遠矣孔子曰君子去仁惡乎成名孟子曰令聞 立為聖賢愚不肖君子小人之名以示褒貶榮辱馬便 不流於惡故有當罰之典馬以當罰或有所不及故又 以彰王休以定王志乎聖人立教問不欲人入於善而

到 戶 四 月 有 1 ■

善者賢人也不知名之可慕而肆意為惡者小人也盗 無意於名而安行乎善者聖人也有意好名而利行乎 謂孟子垂教之言而反貽害教之禍至於此哉愚竊謂 此好名者也孟子之所惡也一唱百和遂成風俗賢人 問見人之修身飭行克自樹立者則往往從而誇之曰 為善甚至委曲徇俗以求免譏謗之及其身亦惑矣孰 若子志欲為善而中無定見者亦畏議避誇不敢果於 又嫉賢妬能者於人之放辟邪侈無所不為者一切不

久足四事全等

柘雅典

遽謂之聖曰王固未可遽謂之聖而其見則聖人之見 也賢而利行進進不已安知不同歸於聖哉昔人有稱 無意於名者也是盖聖人之用心也或曰王雖賢未可 不備矣及郡王奏請旌異則具奏辭免盖安行乎善而 養則致樂病則致憂喪則致哀祭則致嚴孝之行盖無 誇此是何心哉今觀趙王殿下之事祖母也居則致敬 名欺世而行實未善者好人也賢人之利行雖不及聖 人之安行然則去小人奸人則遠矣論者不識彼而反

金プロス とって

夫子之聖者夫子曰聖則吾不能我學不厭而教不倦 **現具禮稱賀徵辭於瑭瑭竊惟人生既長則冠自天子** 嘉靖癸已正月三日宗室鄭王殿下始加元服庠生賈 践其實故至今稱夫子之聖者不衰王尚勉哉世俗之 也聖吾不能辭其名也不厭不倦踐其實也辭其名而 TO ALL O SIGH AS AND TO 獻於我 國主於是乎書 論無疑也蔡生曰執事之言甚正請書之繡將捧歸以 鄭王加冠序 柄鄉集

或謂人無生而貴者故雖天子之尊冠必以士服是以 動分四周白雪 戒之辭是知公卿以上冠禮非本無也以失傳而亡耳 達於庶人無以異也儀禮止有士冠禮公卿以上皆缺 我聖祖以禮治天下自天子皇太子親王以及品官士 侯之冠也備金石之樂趙文子之冠也晉諸卿各有頌 庶人之冠莫不制為定禮垂教之意遠矣然天子天下 止有士冠禮及考於史則成王之冠也有史佚之群魯 之主也天下之人賴馬親王一國之主也一國之人賴

畏有儀可象以治國人也三加之辭曰冠至三加命 服 禮既舉奧由成德敬慎威儀惟民之則盖欲王有威可 馬盖有非品官士庶人可比者恭惟賢王殿下天性聰 足可見在官司 · 盖欲王孝於親友于兄弟以享福禄也再加之辭曰冠 初加之辟曰惟兹吉日冠以成人克敦孝友福禄來臻 心矣故今兹之冠無不忭蹈稱賀盖禮之不容已者也 明讀書尚禮童幼之時已有人君之度國人盖久已歸 何假於辭無已則聖祖自有訓辭在謹述以告可乎禮 柘掛集

静卷先生以忠義才畧受知聖明嘉靖初元即自左愈 都御史超擢吏部右侍郎未幾丁外艱歸服関改兵部 以長守藩國也至此則人君之道庶幾備矣此固國人 銀分口及台書 右侍郎以素病痰火發作無時朝祭不便乃奏乞致仕 之所望也此固賈珮稱賀之誠也於戲賢王尚念兹哉 用章歌神事上永固藩邦盖欲王主鬯奉祀謹於朝享 不允復奏乞改南京閒散衙門調治亦不允內閣諸老 大司空靜卷胡先生改左副都掌院事序

TO SE STEEL FEBRUAR 為學行道得君最難盖有終身不得者馬今聖上之於 矣乃具疏乞致仕將堅卧不起僚友或勸之曰士君子 都察院事先生聞命下戚然不悦曰某以病乞改南今 |為請乃命改南京吏部左侍郎時嘉靖五年秋也今年 君如此豈恐負之况君命名不俟駕禮也今病未至不 先生知之可謂深矣待之可謂厚矣任之可謂重矣有 病未愈豈可復造朝即造朝病安可支亦歸老田畝已 夏簡命為南京工部尚書未幾復簡命為左都御史堂

嗚呼瑭何言哉瑭竊聞士君子之論多謂天下之治在 賢否才不才之實以報吏部則巡按御史寔提其綱近 庶官之得其人庶官之進退權雖在吏部至於考察其 年御史之巡按者類挨次點差不復選擇故時不得 預憂其不支而偃蹇岩此乎先生竟然變色乃始治裝 能出門户而輒欲堅不起不敬孰大馬宜亟造朝以面 為行計僚友成賦詩贈别愈謂瑭切從同僚後宜有言 吾君如病不能支則天也至此時而去誼無憾矣豈可 金与口唇白

意於此已美御史巡按之差惟其人不惟其次綱舉目 隨則官皆得人天下之治可坐而致塘竊謂先生國之 難者也盖人情安常駭異所安者雖有不善未必以為 難行而有成功為尤難至於發法而能成功則難而尤 以此為職掌之所急數雖然天下之事言之易而行之一 大臣也君德朝政何所不預而論者獨以此為言豈非 非所駭者雖有大益亦未即以為是易之草曰已日乃

由是庶官之賢否才不才往往失實先生掌院事亦留

たこり日内は日

柘鄉集

范相繼去位而宋之治不可成矣發法之難盖如此我 韓琦范仲淹各條上時弊數事方及施行誇議隨起韓 孚盖言變法之初人未之信必久而後信也又曰元亨 朝吏部循資格以進退庶官都察院挨名次而奏差巡 利貞悔亡盖言變法而當其悔乃亡否則有悔也是豈 先生忠義才畧孚於上下久矣處此計必有道竊當聞 按御史其來非一日矣今欲變之豈可易易而為之哉 可易易而為之哉宋仁宗延輔臣于天章閣訪問治道

銀好四月百十一

CAL Dual Arthro 然化矣抑人情意得者多自是功成者多自驕自是則 其太甚而遵其可上下者寬以待之恐以持之久則融 朝以告之備采擇馬至言之可用與否則未暇計也大 不能受人之言自驕則易以來人之如書云有言逆於 大暑亦不能驟變而為大寒天道且然而况人乎哉去 抵法之變也有漸則人不驚大寒不能驟變而為大暑 人之爱君子者恒望其有成而憂其未濟故尚有所見 汝心必求諸道有言遜於汝志必求諸非道又曰汝惟 柘新集

野与四月全書 撫地方安堵在大理獄無冤民在兵部內外無草竊之 南京者俞君陳君林君相率徵言以贈且曰石峯老先 年改南京大理寺卿又明年改南京兵部右侍郎在巡 生吾鄉之望也嘉靖改元以右副都御史巡撫江西明 兵部石峯陳老先生以歲十二月奏績京師閩士大夫官 格言也先生念哉聖明之託天下之望庶乎其不負矣 不矜天下莫與汝爭能汝惟不伐天下莫與汝爭功皆 兵侍石峯陳先生考績序

欠三日日日上世司 去徒步追送踰數十里不捨至臨岐皆洒淚以别當是 辟所懼淺近之言不足以發揚威美耳正德初年逆瑾 敢祈一言以贈瑭敬慕先生久矣况諸君見命其何敢 之時先生忠直之聲寬厚之德盖已動朝廷而聞天下 以御史督學於南畿即上言老成不可不惜狂直不可 不有言甚切至疏入忤古謫丞揭陽南畿之士聞當棄 用事陰排諸老顯挫臺諫天下盖岌岌乎危矣先生時 柘鄉集

警此皆彰彰在人耳目者也兹以三載政成入報天子

矣瑭心識之然無由見也項來南都始得承顏接辭 先生凝重如山岳渾涵如江海盖有所謂澄之不清撓 金字口 有如是耶竊於是重有感馬古稱才難全才尤不易得 **効先生信儒之有道者歟不然何功業之成隨寫而著** 無所不有故學至聞道則達窮崇甲遠近大小隨試軌 測乃今復聞所未聞始知先生盖儒之有道者是固不 之不濁抬之不來塵之不去者馬益加敬慕以為不可 可以淺近測也竊當謂儒者之道包羅天地揆馭萬物 人人

受知天子端委廟郎之上以輔成唐虞之治盖有可預 射百發百中其才之全盖可以追配禹益矣奏績京師 樂掌教掌刑皆久於其職有終身不易者豈非以才性 大日日日日日 各有所長職業各有所習無全之難故耶至於內總百 唐虞之際命官九人固皆極天下之選也然而典禮典 揆出總六師土地山澤無所不掌惟禹益為然全才之 西改兵部功業之成如倉公之藥隨試隨效如由基之 不易得盖如此今先生巡撫未幾而改大理大理未幾 柘蘇集

獄職風紀者未久復改之任民收計資而遷遇闕而授 因先生之行而一 為先生贈語云無求備於一人又云及其使人也器之 **羿執轡非惟無功且或敗事是固不可不深長思也詩** 良厚矣所慮全才不可多得用違其長則王良操弧伯 云左之左之君子宜之右之右之君子有之謹誦此以 知者第念近日當道用人司錢穀者未久復改之典刑 不問其所長所習無乃以全才待天下之士乎其意 誦馬倘當道聞而見取未必非用

金子でたという

卷二

盖亦有离遠不凡之識堅恐不拔之操馬夫天下之事 士君子處難處之地而能成功者非獨其才之有為也 之一助也狂夫之言聖人擇馬幸留聽勿忽 預圖而其規模所在則未當不先定也規模既定則小 紛至選來利害得失之幾間不以髮非有才者固不能 之有識者則恒先其本而後其末雖隨機應變者不可 辨也然而事之輕重緩急莫不各有一定之序士君子 贈都察院右副都御史申臺張先生巡撫遼東序

C 2.19 101 1.14.10

吏治之臧否驗民生之休成而已事有常規可守而行 盖已有不易盡者而邊方尤難盖內地之巡撫止於察 子高拱於穆清之上省方觀民之典則委風憲重臣其 故不搖浮言不惑而事之不濟者鮮矣國朝之制聖天 撫重臣鎮守內官無不然預少或不同則動相掣肘坐 馬用兵雖有總戎專職然而政令之弛張軍機進退巡 至於邊方則外與强敵為鄰常規之外又有用兵之寄 名曰巡撫夫受九重之託而一方安危之寄巡撫之職

銀片四月子書

是敗事者多矣况夫敵人之盛衰無常中國所以禦之 處之莫不有道姑以一家之事明之君父母也僚友 騎子不可用也斟酌於政令之間恩威不偏使士卒樂 者在士卒之用命與否耳士卒之情撫之不可以無恩 而歐之則不可以無威威過則離恩過則慢古人謂愛 ァンハンション シスラ 地方可安斯不亦甚難矣乎然而士君子之有識者則 於用命斯亦難矣像友既和士卒用命然後外侮可樂 民如嬰兒故可與之赴深點又謂能愛而不能令猶養 西蘇鎮

皆知其罪之有在矣然後懲一以戒百有不肅而奔走 矣身安而無事矣猶或慢令再三教戒之而不改則衆 家事得無貽父母之怒委曲懇矣不說不激有不欲信 從者乎家衆所急者饑寒困苦也事事不恤而惟責以 所見或有未善吾不必遽責之也則告之曰如此則敗 所見雖或不同至於欲父母之喜而畏其怒則同兄弟 兄弟之共事者也士卒則家衆也敵人則外侮也兄弟 用命其將謂何吾則益其衣食去其患害家衆飽矣煖

銀坑四月全書

N.

たとりもという 識操守俱過人其立功可必也故以此告之昔吾鄉先 塘為同年友也宜為言瑭謂遼東邊方也而先生之才 御士卒則無不用命外侮可禦地方可安功業之成盖 者乎兄弟和家衆用命則於禦外悔何有竊意巡撫重 副都御史巡撫遼東同鄉士夫官南京者相與餞別謂 臣若以待兄弟之道御僚友則無有不和御家衆之道 可坐而致矣申臺張先生由南京光禄卿提都察院右 如鈞陽馬公靈實許公俱立功邊方然後入佐大政 柘鄉某

嘉靖甲申予承乏南京太常寺始與大通政仰止黎先 專美有商同鄉固以此望先生矣 按而行則又知其中所隸蓄有不可以常情測者由是 者徐與之處聽其論天下事不激不隨整整有條理可 察其居官守身各有常式無少渗漏則又以為非茍同 於嚴厭之上至今赫赫在人耳目中臺念哉罔俾阿 金字中屋子里 生相識見其談笑自如不立崖岸竊以為和易可親及 仰止黎先生改北京通政提督謄黄序

德 取情期以遠大諸作備矣兹復何言無已則謄黄乎 戒行僚友各賦詩贈別函谷許先生屬瑭為序於戲頌 遂與定交動息相咨出入必偕盖三年無少變馬今夏 雞割也宜不必論竊嘗謂君子之智隨寓而發故收羊 先生之才於天下事無所不可為其視膽黃盖牛刀而 吏部因北京提督謄黃通政缺以先生薦詔允之先生 功之迹而國家開創之畧亦有存乎其中者哉黃所 可以擾萬民作室可以相天下况黃之所紀皆諸臣立 7.19 15 ALTO 18 柘游集

何則發朝談而專聞寄者也黃所紀指揮千百户之屬 爵至今者有馬奪節覆宗遂至無噍類者有馬稽於黃 休山河帶礪之盟聖祖未當有彼此也放乎其後則傳 不可以朝夕保者亦既勞而且危矣創業艱難君臣同 則執干戈而冒矢石者也當其時間關百戰性命盖有 有天下雖勇知天錫然亦有諸臣之助馬黃於紀公侯 金分四月百十 之先生繙閱之際夫豈能無所感乎論功錫爵與國成 功臣多國初人承平雖有之亦鮮美聖祖提三尺劒以

聖賢之學明德新民而已無他道也近世學者往往從 盖未必不於膳黃有發也吾於先生乎有望矣 閱之際吾知先生之不能無所感矣由小可以知大由 見怒於神明者乎祖宗之立功同而子孫之威衰異繙 於神明者乎其奪爵者豈非悖逆驕奢得罪於朝廷而 可知也其傳爵者豈非忠孝敬信受知於朝廷而見佑 人臣可以知人君先生其有意乎哉他年輔佐之功業 湛甘泉考績序

大日の日上日日

招婚集

事於博洽詭藻之間不然則高談性命以為理學至於 盖不變馬三年教成將奏績北上司業琴溪陳先生間 明德新民之實則留意者鮮矣弘治正德之間甘泉湛 道暇則習無射禮雅歌擊罄以養其心使無外慕士智 日甘泉先生今之道學也嘉靖三年南京國子監祭酒 先生與一二同志獨以古學為倡天下之士翕然稱之 缺員吏部以為非先生不可乃以名聞詔可之既盜任 則嚴規矩申約東日與諸士子講古聖賢明德新民之

金月日月日

者馬是則要其終固未當不同也甘泉既以其學造就 予往年亦當問學於甘泉予則以格物致知為先甘泉 南來矣子雅厚於甘泉者也豈可點馬已乎予應之曰 謂瑭曰臨別贈言古也甘泉北上必將留侍聖天子不 欠 己 り 日本 白生り 求哉今雖有言恐無益也琴溪曰固然然古之贈言者 致知之本物格知至則心之體用益備盖有交養互發 則以存心為主所見畧不同然非存心則無以為格物 天下之英材備朝廷之選用矣則其入告天子豈假外 柏嶺山

賢親親散大臣體 華臣以至子庶民來百工柔遠人懷 或開其端而不完其歸或提其綱而不及其目盖欲其 告君與師之告弟子其道雖同其術則異師之告弟子 豈必皆有所益乎亦盡心馬爾已瑭曰唯唯竊聞臣之 銀片四月百十 諸侯無不畢具其施行之條目功效之次第復纖悉周 問政於孔子矣孔子告以治天下國家之道自修身尊 深思而自得之也臣之告君則不然詳畧相因首尾果 舉盖欲君即可見之施行不復勞其心思也昔魯君當

夫豈可不知所留意哉在上聞大道之要在下蒙至治 執之兩端噫可謂詳而約矣聖天子勵精圖治夫豈會 **家其要則不外乎誠之一言其所從入則始於擇善固** 杏東郭先生任南京國子監司業盖三年於今矣教行 君可比古聖賢之道固宵旰所欲聞也甘泉入而奏績 之澤吾於是乎有望矣琴溪曰此甘泉之志也盍遂書 以為臨岐贈於是乎書 少司成郭杏東考績序

S AND DESIGNATION OF

杨翰集

告其可乎今之國子監古大學也古者大學教人之法 待之意諸文之述備矣予復何言則舉吾儒之常談以 物多矣欲一一而知之其勢盖有所甚難者孟子有言 固吾儒之所常談而衆人之所冒聞也竊以為天下之 則至平天下而極原其用力之始則由格物致知以進 具載聖經其綱領有三而其條目有八要其功用所終 先生謂予同鄉不可無言嗚呼予何言哉離合之情規

多分四屋分明

化成迺北上奏績於明天子僚友各賦詩贈別甘泉湛

人でのtot Aidelo 修齊治平而學也則其格致之所當急者固有在矣身 行其志然两國不治天下不平者亦未之有也大學之 後者也博學而審問馬慎思而明辨馬一旦卓有定見 知者無不知也當務之為急古之君子何為而學也為 則所謂物格而知至者在是矣由是而發之以誠主之 如何而修家如何而齊國如何而治天下如何而平細 以正然而身不修家不齊未之有也使其得君得位以 而言語威儀大而禮樂刑政此其物之所當格而不可 杨瀚县

皆天下豪傑之士也吾豈敢謂其不然哉特恐其於修 金少世屋人門里 備吾道一貫此聖人之極致也奚事外求噫為此論者 有為超話提徑之學者則又曰理出於心心存則萬理 道亦若是而已矣至於究其本源則為性為命形於著 述則為詩為文固非二道特其緩急先後各有次第不 極二五窮神知化此大儒所以繼往聖而開來學也至 此英傑之所以名當時而垂後世也留心性命則曰無 可紊耳今之君子不察乎此刻意詩文則曰立言不朽

怫然徵于聲發于群者有之矣豈非平平之談人所習 曹與朋友論之或然或否然者未必深以為然否者則 齊治平之道及有所 暑則所學不適於用而所用 不出 大七四日、白星 竟以為然否也 聞故厭忽之耶因是閉口不談兹以杏東任大學教人 於學于古人之道不免有差耳平生管見以此為的往 之職而雅有志於古君子之道也故申以告不知杏東 賀大司徒韓老先生壽八十序 杨斯

|廟堂之上周公乃以流言之發避居東都後成主感風 皆有数存乎其間其為天保佑國家之意則無以異也 迹 定四海其忠聖盖天下盡知之至成王之時名公則 翊王度下澤生民其任非小小故也顧其離合進退之 天之保佑國家莫大乎錫之以壽考之臣蓋使之以 始終在廟堂之上若伊傳諸公是也周公輔相武王平 合而中離卒乃大見信住致功業赫然於天下後世是 則有不可以一律齊者馬或始終在廟堂之上或始 在

卷二

火モの事を皆一 能為也厥後周公語召公以老臣輔國之功歸于天毒 考之福成王未及悔悟輒先朝露抑安能至是哉是知 赫如前日事竊以為周公之功固大矣使非天賜以壽 雷之變啟金縢之書始悟而迎公以歸大加信任於是 平格其所感者深矣孝宗朝質養韓老先生位大司徒 周公之毒考盖天保佑周家之意有在而非人力之所 乃戡定禍亂坐致太平功業之隆至今餘二千年猶赫 以正直忠厚聞於天下今上初元太監劉瑾用事先生 稻癖集

塘竊惟老先生蚤以名進士任諫垣敬歷中外幾四十 年乃至大任忠義在朝廷利澤在藩省聲名在天下盖 **毒懷慶同寅諸公聞之謀致禮往賀馬乃來徴言于瑭** 便道歸省九月二十六日值老先生初度之辰稱觞 慮不衰今年壽登八十子士奇以鳳陽貳守擢守懷慶 乃退居洪洞迄今盖十有五年矣而起居康健聰明志 方今黄髮元老可以繫天下之望者中外不可多得老 有不待賛者而中經變故與周公避居東都之迹相類 ラロ

嘉靖六年例該考察京官两京吏部都察院奉命考察 火に日本を生る 一個 未可知而天下之士固以此望老先生矣今日毒考之 賀盖上為宗社下為生民而不止為一人一家之私也 之速如周公之在當時盖亦理之所有者也天之意雖 輪迎歸端坐廟堂之上贅我聖明太平之治於億萬年 詩云髙山仰止景行行止老先生固天下之所仰哉 先生乃壽考康健不衰安知天之意不有在乎他年浦 贈太宰玉峰朱先生致仕序 稻麻集

得為公道哉然其所謂畏者無他盖畏其彈劾以致點 考察之法非欲各衙門一柴有所去也可去則去可 奏請發落記廷臣有言南京考察六科給事中不去 金り口 務去一二人以為避嫌之計雖有所枉亦不暇顧又豈 去故皆留之何謂畏其勢而不敢去哉若必以畏為嫌 則留惟公道是主南京六科給事中止有七員委無可 玉峯朱先生迺具奏辨明且乞罷點大意以為朝廷立 人為畏其勢不敢去者有古命再考察南京吏部尚書 菘

蒙思許致仕吾知免矣色甚喜士夫既惜先生之賢又 欠七日事全書一 往唁之先生慨然曰銓衡事重常恐不勝任以取罪咎 **歲掇人夫四名應用欽此命下士夫惜先生之去者咸** 熟辛甚奏入有 首師既有疾准致仕有司月給米三 石 委難勉强供職當去二也伏望聖明俯監愚悃特賜罷 罷軟者當去一也况臣久患痔疾痛楚呻吟精力日耗 事例罷軟者當去有疾者當去若臣畏避權勢正所謂 退耳臣若不自引退亦何以自解於人言哉再照考察 柘游集

其情而許之歸亦禮也至於恩典優渥施於去位之後 避位不敢詭隨面諛以為容説之計亦忠也君之使臣 務孜孜不敢怠忠也力有所不能義有所不可則乞骸 禮臣事君以忠夫臣之事君竭股肱之力以趨公家之 意馬再三以不文辭不獲瑭竊惟孔子有言君使臣以 高先生之志各賦詩贈別少率蒲汀李先生問謂瑭曰 金ラロ人 委以腹心言聽計從使修其職業禮也有故求去則體 部屬諸君之詩其既為序矣僚友諸公之詩執事幸留

蒙被思禮者又止一二人噫先生可謂全福矣竊害觀 というしゅ からう 内凝定而外渾成盖全德君子也諸福之莽豈偶然哉 發平居怕怕若無所異及臨大節則有確然不可奪者 先生為人莊重簡點與人無嬉戲論議行事必審而後 先生者可謂各盡其道矣明君臣之道彰朝廷之美以 則又禮之加隆者也先生之所以自處聖明之所以處 元無慮餘五十人位至卿相者不過五六人以道去位 示天下後世法諸公之作夫豈可已哉竊又聞國朝狀 柏斯集

謟 已矣 原德福之相因昭天道之不與崇厚警薄諸公之作盖 九月之吉公事既治司廳徐君及四司正郎何君等進 之賢未盡稱述姑以是冠羣玉之首塞浦汀之命云爾 有關世教馬匪直彰朝廷之美而已也瑭不传於先生 各賦詩贈別蕭長山先生實掌部事乃請少宗伯類益 曰熊泉何先生得請歸原籍養病時維諸老先生 司空何熊泉先生養疾序

金少四月百十日

之作俱在有長篇馬有短章馬層見疊出如入瓊林大 TO THE DIE LINE 德大業乃為人所敬慕歌頌如此既而歷數作詩諸公 盈珠玉輝映盖有應接不暇者則嘆曰休哉熊泉之盛 以告下執事予既諾之揖諸君退乃取卷閱之則諸公 赴詔北上卷今成矣將寓歸燕泉先生而序文尚缺敢 類卷一時去位代燕泉者為信山韓先生亦相繼去位 趙先生之文冠於卷首卷未及成而燕泉行未幾長山 已而靜菴胡先生貞菴周先生嗣掌部事後相繼改官

寄者乃認為已有欲常保而不失豈不誤哉古之人視 夜代遷而行風雨煙雲頃刻而變盖有不能以一息停 之際其可感也乎予因是泛觀天地萬物之化寒暑晝 則去位者有馬去世者有馬既官而去南都者有馬今 與萬物之形體皆不可常如此世之人於外物之倘來 楓羽人朽麥蝴蝶之類不可勝數則又嘆曰天地之氣 者雅者或化而為潜植者或化而為動如屬蛤蛇維老 存者僅有其半則又嘆曰人事之不常如此存沒聚散

金 分四月子言

官巡撫皆有惠澤在人進貳銓衡品蘇進退天下士立 得為人得為男子對夫世之得為人得為男子者何限 というではないかり 不朽者有幾盖滋少矣燕泉先生總角聰頡過人弱冠 其問聰明博達者有幾盖已少矣得時得位置身朝廷 之上者有幾功業行乎時聲名垂於後與古之聖賢同 即以文章取高第有大名於天下已而官郎署官藩集 稻蘇集

矣抑又聞榮改期九十帶索行歌不休或問所樂則以

禍福得喪如寒暑晝夜之代乎前界不介意其所見遠

於後可與古聖賢不朽者先生非其人耶由前則世事 朝侃侃不阿雖以議大禮忤古改官南部然天下之士 新六四月 台書 | 以自樂也耶子昔見爱於先生未及請益而先生去矣 自愈他日復起而佐聖明之治未可知也先生其亦有 自樂也耶樂則神怡神怡則氣温吾知先生之病不樂 紳之歌頌徳業者亹亹不休所謂功業行於時名聲垂 開先生之名者識與不識莫不加敬今雖養病去然縉 不足較由後則先生之所得過榮氏速矣夫豈不足以

たこり自己的 持無豪髮的今年科道感於流言刻先生阿附逆瑾侵 我也乎 事而言也中書舊不預科道之選正徳初年劉瑾用事 皆為稱屈所謂阿附逆瑾盖指先生任中書選給事 **尅官銀失大臣節朝廷未及察也迺令先生致仕士論** 少司空信山韓先生自筮仕以至卿佐以忠信清謹自 因序諸公之詩而一發其狂言如右先生其亦有以教 贈少司空信山韓先生致仕序 柘麻集

部委官也協同支銷者巡倉御史也先生不過考其出 書由進士出身者與博士行人一體選科道憲由是得 指先生任總督時修倉事而言也修倉銀两主之者户 例者憲也非先生也故瑾取憲即斥去先生獨無異議 給事中明年先生與同僚二人亦得選給事中是開此 中書李憲其鄉人也謂中書博士行人俱由進士出身 而中書獨不預科道之選理似不平瑾以為然乃令中 不然當時科道是肯置先生不問哉所謂侵尅官銀盖

金牙口及台雪

墙走矣周公避流言之誇退居東都成王未察也亦不 C EL DIST ALMS 言者則可惡也噫亦不必惡也乗喜怒以毀譽人者往 劾先生朝廷令先生致仕夫何恠哉或曰是固然矣造 不慈成王豈不聖流言之多固易惡而難辨也科道誤 有萬萬於他人者曾子殺人之言三至其母亦投杼踰 此無恠其然也曾子之不殺人人孰不知其母知之宜 納之數耳未曾經手何由侵尅以故士論皆稱其屈意 之止既察則迎公以歸有不俟終日者矣自子之母旨

·噫是不必慮也守正而不遇者天與之厚而不報者 矣或問先生無於守官而為於親故俸禄所入多費於 往失實喜怒既平則固有自悔而自咎者矣是皆常情 金分四人 姓者謂先生大運至已當轉亞柳即避位乃善徵之於 亦可恕也况毀譽雖出於人而得喪實由於命孔子不 問遺周濟故囊無餘積家無厚產今茲之歸貧困奈何 惡公伯寮其道大矣吾嘗聞先生言在庠序時星士余 今岩合符契此豈非孔子之所謂命耶先生可以釋然

徵用矣先生之去何遽為之戚戚也哉先生將行僚友 書來促乃述士夫公論以歸之如右噫先生可以釋然 劾之遂致仕去後科道知流言之失實也復交薦之今 與之天人所與盖未有終困窮者也問公遠矣少宗伯 東江顧先生在嘉靖初年流言謂其通賂權要科道交 てもりをない 各賦詩贈別蒲汀李先生屬瑭序靜庵胡先生復以手 贈石龍黃先生致仕序 柯斯県

當贈之以言况又有諸君之命平子當謂處繁難然後 留也迺徵言於予以贈予獲交石龍舊矣於其去也固 員外郎石龍久有去志先已具疏乞致仕未報至是復 石龍在武宗朝始仕為後府都事時垢弊紛然石龍恣簿 經憲石龍黃先生以議大禮為朝廷所録握南京繕部 正之中有武職依憑中貴侵官銀至萬計莫敢問者石 具疏乞致仕不俟報遂行僚友俞君輩惜其去而不可 見人之才臨利害然後見人之守平居議論皆未可信

金分口及石丁

清惟允雖絲毫必盡其心會大禮議起廷臣意見不同 らんらし 9 mar Ar Ama | 10/ 宜從甚辨既而大禮議定凡與上意合者悉進官石龍 志弗樂也即具疏乞致仕及繕部命下而去志不可回 互相攻擊石龍謂廷臣不和則君心疑上下之情扞格 石龍持憲奉公上下倚賴差遣刑名簿書出納之際惟 上登極侍御朱守中以石龍有王佐才薦起之權今職 不通為害非細迺具疏論救因援古證今明大禮之所 柯斯集 Ŧ

龍竟發其事中貴雖衛之無以害也已而乞致仕去今

以為古今名臣之子孫不類其世者多矣而師及之見 宗伯方石謝先生學古文群後及今大司馬陽明王先 石龍始師少司馬石峯陳先生習舉子業繼師前少傅 父文選方麓公世有賢名而少司空尤為海內所飲仰 生大司成甘泉港先生講明心學之與數先生皆人望 也或謂石龍自大父職方慎齊公大父少司空定軒公 也遂行噫石龍之才之守亦器可見矣非賢者固不能 而方石尤為後進所於式石龍之賢淵源有自矣子竊

金月四月 台灣

とろりられたの 斯言盖有激耳非其至也孔子之言曰天下有道則見 不近以仕為通者獨而不止或謂與其為通吾寧為高 出一處莫不有道自是道之不明也以隱為髙者往而 謂其深造獨得亦可也皆不必深論獨念古之聖賢 亦往往不出於一然則石龍之賢謂其淵源有自可也 為有道乎抑以列國之君有能用已者乎沮滔丈人之 無是過春秋之時何時也孔子迺栖栖不去豈以其時 無道則隱又曰用之則行舍之則藏聖賢出處之道宜 植蘇拼

蓮而遽去至於事不可能勢將有變則又見幾而作有 齊者蓋無所不用力馬固未當悻悻於一言一事之從 濟物以遂吾仁天下之心從容開導左右斡旋以求其 傳盖所謂無道而隱舍之而藏者也洒不為所取抑 賢於此其見之也審矣道有可行之幾則出而仕經世 老一丘一堅足以自樂富貴貧賤於我何損益哉古之聖 士君子必能超然於富貴貧賤之外一衣一食足以自 何數由是而推則出處之道固未可以一言盡也竊謂

國分世月 白星

大臣の村在時 富貴貧賤之間未能無累過縣以孔子籍口吾恐其無 齊天下之才則高尚之士盖未必能預也孔子不滿於 沮消丈人之傳盖以此世之君子無聖賢之心之才於! 富貴貧賤之外聖賢與髙尚之士同至於仁天下之心 以常情測者古聖賢出處之道亦畧可知矣盖超然於 以服沮消丈人之侍而免其竊取也噫吾於石龍之去 不俟終日者馬變化從時不拘一法神幾妙用盖不可 又安能不重有感哉嗚呼天下之道大矣石龍何以教 柘礦集

主者得以制之期於事治民安不失法意而已是之 金りせ 為治之道有任法有任人古之治任人後之治任法任 我幸無謂碌碌尸素者不足與言而外之也 任人任法者非無人也纖微曲折之間莫不有法如是 人者非無法也法舉其綱織徵曲折之間進退損益 法而已能守法矣雖事煩民擾上不以為罪也不能守 則進如是則退如是則損如是則益人之當其任者守 入として 御史司馬魯瞻之湖廣刷卷序 謂 則

錢穀工作之細莫不各有一定之法有司奉行惟謹大 ととりまれたから 馬簿書之欺謾上下不能以相保故又有鉤考之法馬今 法雖事治民安上不以為功也是之謂任法國朝之治 耳目也大賢之所以進 大奸之所以退善政之所以行 所謂照刷文卷者是也朝廷恐有司之黨比不可任 也 抵任法者也法之細碎耳目不能以徧記故必有簿書 自廟堂之上以至郡縣之間自點陟刑賞之大以至於 凡照刷文卷皆差御史一員往蒞其事夫御史朝廷之 柏麻集 三士二

命夫豈不思所以盡其心哉顧文卷之集於几案者山 被政之所以革靡不憑之其任重矣 照刷文卷特承簡 哉無亦考法外之意乎人亦有言日月之明無所不照 堆川委雖竭精神窮日夜以鉤考之亦未必盡得其稅 功不如任人者逸而有終斯固然矣然任法者朝廷之 而陰崖部屋之下時有所遺人不謂日月不明大者既 制也守法者臣子之職也生今之也及古之道夫豈可 之所在可謂甚勞而且難矣論者率謂任法者勞而少

金けでととこと

ŧ

受命之湖廣照刷文卷無查盤軍器僚友譚君希曾湖 然語及雷霆之威凡懷好負罪之人無不畏懼改悔者 欠七日前上十二 濟法所不及雷霆之威日月之明固司馬君之優為而 産也徵言以贈予惟士之才而賢者能用法外之意以 以其威之有時而不測也侍御司馬魯瞻才而賢者也 舉小者可畧也雷霆之擊有罪固未嘗人人而擊之也 亦譚君之所深望也謹述以贈嗚呼君尚念哉 洛陽吳壽夫考績序 柘群集

寺監外設司府州縣各有所典之事盖所謂以官為守 官守之職易盡言責之忠難何以言之盖官守之職各 思修其職有言責則思盡其忠我朝之制內設府部 壽夫同鄉也過來徵言以贈予惟人臣之誼有官守則 金少口近人門 者也侍則設六科給事中風憲則設十三道監察御史 三年於今矣兹赴京考續同寅粘君某喬君某以瑭於 俾之論列天下之事則所謂以言為責者也子當謂修 洛陽吳君壽夫以名進士權南京山西道監察御史盖

愛憎異情吾知之有所未真而輕言馬則無益於天下 人品之賢否政事之得失散在天下者多矣聞見異同 庶官可知矣至於有言責之寄者則不然上則君德之 とこりりとは他の一 不得其所言官預有責馬欲盡其忠兹不亦難乎况夫 汙隆下則臣職之修否皆所當言故一政之失一物之 有司存循禮奉法政無缺失而職固已修矣選舉不清 人不以咎户部財賦不節人不以咎禮部非其職也則 之治而或有害知之真矣上愿君心之疑下愿羣議之 柘排集 三支

責之忠可庶幾馬兹不亦甚難矣乎毒夫為御史三年 或素行未足以取信於上下或論議正找未能盡其術 對分四月白書 矣天下之事諮詢於僚友之間數納於廟堂之上其真 不敢盡于是乎天下之清議起矣知之真矣能直言矣 奪憂謹畏識惴惴自保或含蓄而不敢言或輕言之而 則其言未必得行而及復相激或至貽天下之禍夫真 取信於人而言盡其術非仁者不能全是三德而後言 知天下之事非知者不能直言非勇者不能素行足以

無 此亦像友贈言之意也 兹行也陟明遷喬盖有不俟卜者竊嘗聞君子之事君 矣而猶望其日盡方今聖明在上雖化理清明而未必 也其心恒不满足故職雖修矣而猶望其日修忠雖盡 知而直言之者屢矣簡在聖心見之施行者計亦多矣 事可言鳳鳴朝陽天下傾耳吾盖於毒夫有望馬

欠日日日日日

柘麻係

